





第一三三六册

四庫全書

●上海古籍出版社

本冊目次

附	文	唐	峴	野	易	巽	芻
				附年	附本		
		愚	泉	古	齋	隱	堯
	毅	士					
錄集	詩集	譜集	傳集	集	集	集	集

明周是修撰……………一	明程本立撰……………一三五	明劉璟撰……………二〇九	明龔詡撰……………二六一	明張宇初撰……………三三七	明唐之淳撰……………五一九	明解縉撰……………五九一
				清解悅編……………五九一		

欽定四庫全書

集部

芻蕘集卷二

詳校官編修 臣曹 斌

中書 臣劉源溥 覆勘

總校官進士 臣 繆 琪

校對官學正 臣 陳 禾

謄錄監生 臣 戴天民

欽定四庫全書

集部六

芻蕘集

別集類五明

提要

欽定四庫全書

芻蕘集
提要

臣等謹案芻蕘集六卷明周是修撰是修初名德以字行泰和人洪武中舉明經授霍邱訓導遷周王府紀善王多不法是修動繩以禮今集中修已十箴與保國直言二篇皆是時作也王敗之後官屬皆緣坐是修以能諫

得免改調衡王府紀善既而入直翰林預纂修建文四年燕王反兵薄京城是修與楊榮楊士奇胡靖金幼孜等約同死國難諸人陽諾之燕兵既入士奇等爭先推戴是修乃獨詣尊經閣自經乾隆丙申

賜諡忠節事迹具明史本傳後解縉為作誌銘但稱歸京師為紀善預翰林纂修以死竟沒其殉節事楊士奇為作傳乃言其自經應天府

欽定四庫全書

易經集

三

學蓋縉作誌在水樂元年士奇作傳則在宣德四年也傳又稱是修數論國家大計至指斥用事者誤國用事者怒眾共挫折之云云蓋欲明是修非齋黃之黨以避時忌然革除之際取義成仁但問臨難死不死不問持議同不同縱使有黨亦不害其為忠臣不能以是抑是修也是集為其孫應鰲所刊凡詩三卷賦及雜文三卷非惟風節凜凜溢於楮墨

即以文章論之亦復無愧於作者末附縉所作誌銘士奇所作傳可謂白茅之藉矣姑並

存之益以彰是修也乾隆四十三年六月恭

校上

總纂官 臣 紀昀 陸錫熊 孫士毅

總校官 臣 陸 費 樞

欽定四庫全書

易經集卷一

五言古詩

明 周是修 撰

近懷五十三首

登高望八表世道何悠悠哀榮無定極往復更相酬誰為陽和春及此肅殺秋人生忽如寓百歲苦不周鶴髮每先侍朱顏難久留彭殤均絕逝何庸咨短脩惟當飲

欽定四庫全書

易經集

三

美酒樂從天者游

吳水秋浩浩楚山晴蒼蒼美人在南國節操凌冰霜隔此萬里遠夢寐時彷徨西風吹鴻鴈音耗不得將行行江皋路采采夫容芳愁去吳水濶愁來楚山長無能共清渚飛作雙鴛鴦

東汎玄冥海西登太華峰豈不念遐征塵土將安從仙人韓湘子千載顏如童飄飄紫雲上羽輪翳回風大笑揖王喬長歌隨赤松嗟彼世間人生死無終窮

晝有千種慮夜無一枕眠所以思者何美人邈遠天秋
風入庭樹慘慘號寒蟬飄飄雲想衣灼灼花想鈿玉顏
不可見空記平生言秦吳非易越悵望寒鴻前

幽冀車可驅洞庭舟可浮何能離塵鞅超然賦遠游
遊無有期徒此坐悲秋帝子滯香魄萬古湘水頭蒼梧
咫尺距不見重瞳丘何以托遺恨野竹淚痕留

相如未得意偶然遇文君何因即同載萬里滾西行婦
德固已失竊骨名亦成匪為足素願聊以慰羈情古禮

欽定四庫全書

詩集

二

重親迎終始猶難憑所以既榮貴一朝聘茂陵

韓信本忠臣一心佐漢主指揮百萬師竭力定疆宇大
義重如山王封就荆楚來朝忽被縛無乃大荼古淮陰
雖可侯終愧虎變鼠功成不退身無恨蕭與呂

屈指古石隱吾愛黃綺公潛身遠世禍落商山中學
仙非有意採芝寧固窮為國遂一起反正如旋蓬功成
仍蹈海羽儀穹飛鴻徒令屬操者萬古歌清風

鳳飛九霄上五章翳朝霞乃集大皇野保珍遠物華竹

實以為食梧桐以為家聖世既休明四海靜無瑕感治
遂來儀和鳴獻仙葩復愛樊籠累竟去不可遮何能隨
燕雀枳棘爭喧譁

白壁生崑崙輪致乃人間韞匱以待價不與時往還街
售非所欲棄擲非所患借令橫道側終自遠險難千金
謝雕琢寧為瑱與環五瑞出皎潔願隨羣后班明王重
朝會萬古光聖顏

我有兩龍劍閱世三千秋堅鋼出百鍊苔色古且幽異
欽定四庫全書

詩集

三

哉歐冶子功與造化侔剗水蛟鯁斷指空鬼神愁精光
不可掩夜夜衝斗牛所恨際休明鋒芒久潛收願持獻
天子為斬佞臣頭

桂樹生高崖春風吹拂之崖桂自不芳春風本無私非
疾桃李艷由來各有時暖雨都城陌暗日倡家蹀躞鞍
逐繡轂行樂競繁滋翫賞朝不食歌舞夜忘疲秋霜搖
落盡芳芬誰復知

誰種岩上竹如斯茂且長誰植畹中蘭如彼幽且芳荷

倚池朝露濕凌秋霜亦不羨新綠亦不嘆去黃但愛
貞自保歲時永相望竹以中簫韶蘭以紉佩綠美人如
既遇遂爾遠翱翔

朝游芳菲園望望桃李花匪不愛其艷榮衰終奈何長
安貴游子走馬事豪奢年垂二十餘意氣橫天涯晝食
信陵門夜宿嬌嬈家青陽有徂邁白日有西斜歸來覽
明鏡徒感雙鬢華

涉江采芙蓉秋水湛虛碧傳枕向中渚浩歌感時昔世
欽定四庫全書

人恣險巧奔走竟朝夕攘攘豺與狼小大相啖食願言
擴風清一觀義農日皇王直垂拱四海仰至德孰知太
古初混沌無一物

蜂蟻有君臣蛟蛟岩穴間肝心事其上時往時乃還一
以勤致遠一以固守關誓不圖苟活使君懼險藉微物
尚如此人胡獨弗然嗟彼趙高徒擅國恣兇奸下視蜂
蟻性何能無厚顏

走馬百萬里言忘天一方北風振大漠白日慘精光前

有桑乾原傳是古戰場狐號雉鬼哭死骨如高岡寒雲
塞關隴沙草萋已黃云昔霍嫖姚兵氣橫秋霜長驅無
敢敵親手斬我王功成畫麟閣龍沙空莽蒼

去日既已矣來日復如何百年寓天宇曾無瞬息過少
壯不為樂老大空情多東風入都國萬物感陽和葡萄
熟千斛日縱金叵羅結交貴公子劍佩聲相磨高歌引
雄辯取醉無其它寧為小兒女白首歎蹉跎

岱山東峨峨上與雲霧連距天不咫尺星宿羅其顛德
欽定四庫全書

位並羣岳崇祀每當先君哉有虞氏因時惕乾乾重瞳
燭萬里體用何兼全五載春仲月龍駕來翩翩玉帛擢
精靈禮樂感神天以不讓土壤故乃大若然

黃河發西吳下決崑崙峰奔流幾萬里上與滄溟通混
混越千載載清明聖逢念哉昔多士禍已投其中精魂
竟何訴事業一朝空君子貴知命胡為懼此凶坑儒剪
贏裔用傑興炎宗所以血未代唐祚亦隨終

大化每不息滾滾東逝波少壯能幾時其如老大何盛

極衰已至樂盡哀還多白日無復返青陽寧再過昨為綺羅園今成衰草坡昨為紅顏子今成髡皤皤云胡有美酒日夕不高歌

至理無定在一物一有之達士每約變愚夫獨狐疑死生事所常輪遞何休時衰榮分所固來往可前期不見東園花灼灼方滿枝轉眼逐風散零落已塗泥借問路行人陸陸爾何為

朝出都城門遙望都城道路上誰家兒駿馬嘶煙草玉
欽定四庫全書

別集卷一

六

帶宮錦袍意氣凌穹昊斜過寶釵樓樓前春正早樓頭美人咲咲臉逾花好下馬醉紅粧芳情兩傾倒明日復明年相看不知老

十載長安路始出咸陽關倦行弔今古落日北邙山山上何所有萬塚榛蕪間強半金井塌朽骨露斑斑人語狐兔走煙景將愁顏多少英雄人棄世不復還貴賤共無主歎息未應閒

昨日還今日韶光易云但今年復明年萬物通榮枯人

徒為物靈而於物不如貴賤共奔走攘攘混塵途不見南山松青青千歲餘不見蓬海鶴翩翩長與俱念哉此人世幾許竟成虛

昔人多愛酒為會酒之真不飲愁萬結飲之愁自伸醉醒醒復醉恍然忘此身八仙本高士七賢豈衆倫囊括經濟術觴咏日遠逡巡窮通付天命富貴等浮雲九原今可作願爾與為羣

蘿落秋蟲鳴煙火四鄰息匡坐不笑語悠然念羣物春
欽定四庫全書

別集卷一

風昨相過天地皆顏色從誰降嚴霜一朝盡摧絕壯士起北邊美人怨南國光陰無少留胡為久離別老大空歸來相看兩華髮

賤貧衆所惡而乃士之常來書返故園結屋瞰清江稍種門前柳亦種墻下桑深居觀元運外物徒擾攘達人無不可用行舍則藏固哉亞父革赤心龍戰場劍術豈不精奈何天命王

日入機暫息日出還復萌世俗恣貪翫晝夜亦無分不

自揣己量碌碌空勞生智哉龐德公移家歸鹿門山月
長對眠隴雲時伴耕身潛名益遠心紋道彌宏惟存一
清約持之遺子孫

屏跡衡門下久於世物違君子抱大道動靜貴和機躬
畔足我食婦蟹充我衣萬事付不理雲林日因依湘水
有懷石首山有采薇大節固其奪天命亦何非子真千
古士願與爾同歸

人道寧有異天命亦何窮禮始經夫婦由為萬世宗荒
欽定四庫全書

哉楚襄王浪跡陽臺中神姝那可御夢寐空情濃海水
三千大巫山十二重朝雲何處在暮雨莫相從

萍根無所著蕩漾江漢間與浪共浮沒隨風相往還乾
坤同大塊日月此循環人生少百歲能得幾時閒物情
常橫擾世事苦相關鼎湖龍既遠胡髯那可攀居然就
衰暮歎息此容顏

朔風號海甸十月雪漫漫畫戟掛雲暗鐵馬蹴冰寒但
願主恩重寧論壯伐難漢宮抵疎勒敵騎淨阜蘭孤軍

勢道險百戰陣仍完銳氣無時合兵符隱夜看功名何
足貴所願致君安

漢國千年固遙天萬里平那堪風雨夜夢不到咸秦漢
漢雲山白悠悠雲雁聲令嚴鐵衣冷雄劍動光精男兒
生盛世有身當奉君但謂奇兵出邊塵日可清何知沙
漠迴白首未成名

大夫英烈志充塞天地中言行務挺拔羞與世雷同
則行吾道不用歸固窮寧為祝鮀佞以自屈其躬依山
欽定四庫全書

結草屋畔釣學三農野水魚蝦盛石田禾黍豐高歌養
時晦不愧古人風

窮達付天命胡宜心苦憂玄穹馳兩曜羣動不能休風
霜逼歲杪感化生遲留汲汲者誰子走馬出南州路逢
徒步友相喚不回頭意氣可時羨功名那未收古來豪
俠地惟見水東流

朝看上林花夕飲長安酒酒酣發浩思舉觴復停手萬
化出堪輿禍利何紛蹂達人會元命進退惟貞守云胡

儀秦革危邦日奔走大道既不行取過資辨口地下會
相逢寧無慚泄柳

西行一萬里郡國何遙遙馬鳴寒日暮始至咸陽橋渭
水自縈帶函關空寂寥秦家故宮闕離離惟黍苗漢陵
松與柏枝幹半成樵草間兩翁仲似欲語前朝廢興雖
定理遺跡幾時消

中古漢而下為國少足珍唐宋肇大業所貴亦以仁魏
晉更竊取禮樂俱無倫我皇撫大運有位以得民龍飛

欽定四庫全書

卷一百一十五

應九五天地感陽春德化慕初古風俗盡還醇終當億
萬世軌範希聖神

孤鳳日空谷羣龍已滿朝濟濟論大道何君不舜堯九
衢凌禁籞萬井寂春宵旗旌隱閭閻鐘鼓轉招搖雞鳴
長樂曙珂珮響雲霄披誠謁明主天鑒亦非遙願言先
聖化亘古聰簡韶

大賢始未達蘊德恒若愚一朝離草野虎變驚寰區祿
位極卿相勛業應都俞云何渭川吏復戴周王車云何

陽武士得贊漢皇圖當其囊括時舉於衆不如飛騰在
頃刻四海謾嗟吁

浮雲蔽天日游子何時歸關隴無窮極北風始寒威荒
城饒古木落葉隨人飛昔別期半載三秋音信稀何如
比翼鳥何如連理枝同生亦同死終始得相依感之益
惆悵涕淚滿裳衣

人生如夢泡憂樂無定端歸休常未久別去每漫漫雲
平雨雪暗陰盛北風寒君今在萬里言念衣裳單光景

欽定四庫全書

卷一百一十五

亦何速曾不比奔湍安貞信為吉古道良獨難幽憤積
中曲無言坐長歎

萋萋南澗草灼灼東園花豈不念容色獨奈景光何昨
日日苦短今日日復斜青陽坐遲暮為樂何蹉跎李膺
匪名士石崇豈豪家得失更相耐盛衰速來過寧不知
至理悲悔徒自多

前有三十年強半向蒙童後有三十年強半已老翁少
壯幾何時榮辱在其中苟於志弗立徒爾榮厥躬世治

貴行道世亂尚高風顏子在陋巷一瓢常固窮而不改其樂賢哉疇與同

出門省時物薄言向東郊秋風入灌木百鳥為悲號復見孤飛鶴唳繞長林梢傳書日遼海羽翮無乃勞於焉思一息而奈失其曹鷗鷺上翔集狼虎下咆哮飄然載高舉人間那可巢

悠悠世間事得失何定期貴富信匪榮祇自取驅馳苟違取舍機幾不取傾危君看石崇宅金壁爛光輝始謂

欽定四庫全書

雜記

七

可千歲禍乃不移時慢藏祇誨盜聖言豈我欺咽絕無復續雖悔其何追

去日復來日光陰苦相催十里復萬里世道何悠哉古人已不復今人徒自哀甲第變畊隴荒墟且崇臺興廢在眼前惻然感我懷千名羞苟進著業乏長材惟酒可托興焉得日銜杯

昨日見君情不殊弟與兄今日見君情不殊岐路人其故為何歟無乃有衰榮蘇秦未得志婁嫂亦相輕賈臣

既貴遇愚婦悔何勝交態亦如此程公昔署門邈哉管鮑道千古疇能并

遲遲三春日照耀綺羅園園中松柏姿何如桃李妍惟見東家婦采花時笑喧妾非以離恨累性惡其然但願君早歸白首共周旋桃李任衰榮松柏且孤堅海水沒不測關山高不逾君去日已遠妾在當何如風煙眇吳越徒此長嗟吁所願山可摧復願海可枯山推為平地海枯成坦途萬里無寸險一日可回車

欽定四庫全書

雜記

七

登山采靈艸悠悠念長生長生不可念且遂探芳行曠哉秦臺子雙聲調玉笙清商汎宮昊鸞鳳感和鳴修爾凌空去眇眇若秋雲輕徒令企望者蒼然熱五情世間榮辱夢終古未應醒

違世慕真境洗心謁名山數峰稍前入斗已失人間珠泉激瓊礪碧殿照瑤閣松桂更無古鸞鶴不勝聞仙人長笑出握手話金丹谷神期不死鉛汞任循環願言就茲隱千載駐紅顏

寓言

陰陽分晝夜輪運浩無窮時物更代謝孰知玄化工人
生如夢寐即寤永成空幽觀衰榮朕往復邁從蓬鄔夫
昧達識眇然隨所終賢豪關世運用舍合中庸進由吾
大道退屬吾清風載歌紫芝曲不愧商山公

結交

嵇交若松柏嚴霜無改顏良交尚膏肓薑襲邇芝蘭時
交桃李容朝結暮摧殘又如淵澤靜一激興波瀾交情

欽定四庫全書

卷一

五

貴有常固結豈誠難道同心亦合弗在多誓言苟非盛
德士反側須臾間

感遇三首

吟詩愛千章靡益于世道是則徒爾為雖多胡足寶譬
入東風林炫目多花草容媚可人怡飢至莫余飽曷若
事西疇省彼梁與稻實為卒歲馮永焉天命保
登山慮其高涉水憂其深獨於處世人而弗度其心其
心一弗度言貌終難謀反是旨謂智徒多咨陸沈盍聞

方寸同厥利猶斷金此正彼無邪讒毀孰能侵

服牛侍余耕乘馬侍余行坐坐且服驅策不少仁安
知有血氣何獨能無情所以異貴賤由人為物靈資用
竭其力可不見推愚嗟彼殘忍徒戕之如折莖

詠林居散生

隱山不在深情高喧自寂交友不在和誼合疎自密世
人多巧智動靜恒匪然末榮末不滋曷免終摧顛惟君
拔俗沈於余寔同調惟余好斯人於君亦知要白雲陰

欽定四庫全書

卷一

五

松石寒泉漱庭除匡坐論太古方寸擬堪與萬里出從
中舒卷俱自得山重非可移淵浚宜莫測清風千萬古濁
酒三五杯彈詠續歡洽得名何有哉琴以揚徽音詩以
發素抱願言永陶陶窮通付穹昊

憶王凡韶

茆茆庭際陰輝輝松下花松姿固自持花艷終可嗟徒
令益幽思於是感年華年華從何逝長見白日斜君子
抱古道屏居河水涯累月莫予遺人生終幾何脂彼檀

木車秣此黎眉駟所願憂懷寫無論途路賒

憶贈遊子哲

晨興振煩襟悵言臨清河俯視河水流去去無回波人生如夢寐得失常苦多潛鱗思濯淵翔鳥戀故柯維物知所止獨奈世人何君為巢由隱洗耳矢靡他養道日游詠考槃云在阿白雲長共棲紫芝時復歌願言往從君吁嗟乎蹉跎

夏夜有懷王兄學

欽定四庫全書

知不足齋叢書

卷六

明月何燭燭良夜亦悠悠攬衣歷前除閒詠以銷憂俯塞幽蘭芳仰視天漢流鵲火司夏令玉衡指炎州感茲氣象易念彼平生儔山高而水深于焉成阻脩嘉會邈難即何以結綢繆陰陽無停機榮枯適相耐百年苦短短况若參辰游美酒聊足揮丹經安可求願君固貞節歲寒保康休終朝拾瑤草三山尋十洲

秋夜有懷武陵舊友

片雲停西南下與山翠接寢言同心人於此三歲別道

路阻且長何時見顏色我有枯桐琴朱絃久徒設欲為孤鸞操中內增永結思將持贈君千里非易越悠悠清秋夕不忍對明月

枕上憶禮用黃文學

旅枕春夜長雨聲繞松屋窗虛羅幌寂輕颺動餘燭展轉寐不成幽思溢中曲嗟彼同心人言貌溫且淑別茲良已久懼晤靡可復迢迢雲山青沈沈江水綠握手當何時還來盡忠告

欽定四庫全書

知不足齋叢書

卷六

田家秋日

衡門逼幽蹊曲巷通極浦十家兩三姓世世相托處舉目皆累姻出入無齟齬男為東舍郎女作西鄰婦寒風及秋社豚酒酬田祖老巫燒紙錢穉子喧銅鼓漠漠柘園煙紛紛芋田雨歸東肆筵席半醉相爾汝王租既蠲免官事亦有數且願日昇平皞皞如太古

已未九月余新歸灘江度構茅居甫成姻兄王氏效先有詩見美倚歌和之以酌其深意云

周孔既已矣哲人將疇歸萬物自榮謝含蒼含朝暉結
廬還故里忍使初心違為山期九仞覆貴功寧虧載歌
太古音泠空自知

又

聖人百世上我乃百世下攘攘塵途間未有忘情者淫
詞尚新聲薄俗輕大雅明珠混魚目疇能別真假結廬
隱其身翛然傍林野

城南小隱

欽定四庫全書

卷一

六

萬冗作由心心遠喧竟寂孰云事真隱而必離塵邑惟
茲方寸中渾然有太極衆人固豈豈悟之在達識卓彼
高世士抱道慕閒逸舊宅城南隅處甚岩岫僻曠哉煙
霞想變化隨所即礪齒何不堅循壁亦有石洗耳何不
清負郭亦有澤寤言宇宙間焉往不自適潮觀集許流
千載猶一日

古松吟

道周古松樹半榮半已枯長絲斂柯葉流膏出皮膚旁

見斤斧痕文理爛交數歷歲豈不深養質心匪虛孰俾
夜焚之光輝發烜如致民思利用斬鑿及根株疑疑中
澤棘葩葩高林樛非材衆所棄生意迥有餘反嗤爾為
松憔悴獨何歟

感懷三首

芳桃笑春風穠李耀晴日偶蒙化工榮光彩不可敵盛
時能幾許零落各相失詎知寒松心凌霜如鐵石

周旦匡王室而罹管蔡謗不資穹鑒明聖德幾淪喪二

欽定四庫全書

卷一

九

年罪斯得雷風感天象懷哉時世遠光澤不可望
皇天沈以穹后土漠以廣善惡雖萬殊報施終不與大
人知至道日鑒于既往嗟彼盲瞽徒逐物空執掌

靜夜思

天地同逆旅春秋比流波昨昔樂苦少今茲憂復多嫩
人而離居其如良夜何良夜殊未央悵言臨中堂鼓蘭
泣零露初月揚清光我有枯桐琴爰以托遠心哀絃徒
激烈愁絕無知音太行豈不高黃河豈不深夢魂終不

隔萬里還相尋

懷遠有作

流離悲夜闌月陷山正黑幽閨破殘夢敎枕益悽惻同心與我違九載燕趙客大車即長道利往不改轍人世如蜉蝣變化曾倏忽何有龜鶴齡而耐此遐別願言勿復思思之淚成血

春日言志

晴光灌榮樹好鳥鳴其間幽人啓前戶盼之以怡顏樹

欽定四庫全書

卷一

十

色正蔥蘢鳥聲何綿蠻物情本自適於時亦相關乾坤同大塊寒暑交循環變化豈終極枯榮倏往還云胡百年內不有一日閒智哉張子房功成遠所患寒流松石上辟穀聽潺湲

種樹詩

生有種樹癖性稟由孩提五歲藝菽麥慄慄輒成畦七歲讀書暇封植靡他為九歲已悟達益詣相土宜百穀暨蔬果根莖日數移行年十三四把筆耽文詞朝誦索

駝傳夕歌生民詩始祖出姜嫄艱食肇播施奄然即邵室德教萬古垂嗟哉丁未奇心好同規規欣逢堯舜君委身常恐遲中原遇龔遂與爾爭先馳

華益山

廬陵

東風吹大河河水為上湧緬思華益君巢雲絕塵冗吟時月滿軒耕處雲生隴何當命中車相從服鉛汞

黃麻峽

安城

遠聞黃麻峽自外行及酉溪聲咽復喧山勢回不走居

欽定四庫全書

卷一

三

民實醇朴安用巡徼守男耕而女織帝力亦何有

梅花源

廬陵

山行五六里峰勢忽亂巉前有梅花源人煙帶丘隴天寒雲木交晝晦風水湧近聞豺虎多深入能勿恐

夏莊里

龍泉

山行噫險極言至夏莊里俯視見人煙直下在地底結屋自為鄰開門齊向水嘗披桃源圖何有踰乎此

花陵渡

泰和

路窮春江長江上花陵渡東風桃李花多少隨去野
航容數客來往衝紅雨日夕望煙波武陵更何處

武陵岡

泰和

處女桃花顏自幼謝塵匹飄然入茲山燒丹學仙術乘
雲以何代留名至今日徒令凡世人千秋指遺跡

大平洲

泰和

一水分復合是有中流渚潮洄從具人道阻心良苦其
人美如玉遠世甘獨處秋風把釣歸遠屋松蘿雨

欽定四庫全書

卷一

黃衣岩

泰和

崇峰出百里岩壁亦何峭神功肇元氣中有太古竅青
雲從下起白日當前照仙鶴不重來年年野花笑

尖心峰

泰和

東郡富原田西顧瞻平永青峰特中起卓立勢拔笋造
化固根參陰陽定標準何當躡層雲臨覽至絕頂

大石門

泰和

兩山夾長溪石壁急觝截一竅正中開嶺岼象帳闌不

假造化功世人焉得設萬古祇如斯消磨幾行客

釣魚臺

廬陵

仙人何代飛空有垂綸所危磯枕中澤形勝猶太古奔
流怒出峽衆嶽欣承宇悵望嚴子陵山秋紫蘿雨

鷓鴣港

廬陵

十家同一姓浮處依巨港取魚以為活鷓鴣代罟網田
園世外疎兒孫眼前長何當命輕舸煙波共長往

白水湖

廬陵

欽定四庫全書

卷一

平湖淨如練光氣日舒卷秋水荷花鮮西風棹歌遠美
人居上頭游子無時返行見紫鴛鴦惆悵天涯晚

白下縣

泰和縣古名

大河東遙遙孤城忽如塊臨流起層閣危軒俯長瀨西

山當倚晴宛若蛾眉對日夕望闌都車馬空橫潰

送胡生歸秦川

別我胡草草送君良遲遲車膏馬既秣不得留金羈楚
水涉今日秦川到何時天涯欲相見惟有夢魂來